

Ham Sehét arde Héfazot – WHS kaanun óll ór andhár ót zimma ókkol

Modhel Ham Sehét arde Héfazoti kaanun óll é ham goróya ókkol óre zorurot gorénde sehét, héfazot arde maincór bálaayi ré kíyal gorí bélla hamor zagat mazé. Yían ót cámil asé:

- hamor maahóul uggwá gorí dibellá arde thík rakíbélla ziyán sehét arde héfazot or hótara sára
- kefáya arde loot fadé sóulot ókkol dibellá hamgoróya ókkol ór bálaiyilla tarár ham ókkol goríbélla, ar
- Hamgoróya ókkol ór sehét arde hamor zagar háalot ókkol óre monithar goríbélla biaram yá zohóm óre rukíbélla.

Ham goróya ókkol ór zimma

Tuáñrtu zimma asé tuáñr hamgoróya ókkol ór sehét arde héfazot bála rakíbélla Tuáñrtu hámahá COVID-19 ór baáror hótara hótom gorá foribóu, yá zodi yían mumkin noóile, tuáñrtú hótara hom gorí bélla zoruri zeddúr faro.

Ham goróya ókkol óre baáror hótarattu héfazot goró COVID-19 loi, mesál hísafe:

- Góror entezam ottú ham gorá amól goróon
- hamgoróya ókkol óttu jisími duré táka pretís gorá arde bála sáf táka zoruri
- hamgoróya ókkol górot tákibellá zoruri zohón biaram ó, ar
- hamor zaga bakaida arde bálagorí sáf gorá.

Hamor zagat oinno maincór lá zimma

Tuáñrtu hámahá ekindila foribóu tuáñr hasharbar or ham e oinno maincór sehét arde héfazot oré hóraf nogoré zendila gaák arde kláyen ókkol.

Oinno manúic ókkol óre baáror hótarattu héfazot goró COVID-19 loi, mesál hísafe, taráre zorurot:

- jisími duré táka pretís goró, konték sára foónsa ókkol arde thiañ diya
- bála sófayi pretís goró, ar
- hamor zagar tú duré táko, zorurot noóile

Hamor zaga arde sóulot ókkol óre thík rakíbélla zimma

Tuáñrtu hámahá tuáñr hamor zaga ré thík raká foribóu yían ekindilai bélla hamor maahóul é hamgoróya ókkol arde oinno ókkol óre COVID-19 bázái diyar hótara nogoré.

Uggwá héfazoti hamor maahóul thík raká, mesál hísafe

- hamor zaga ré bakaida arde bálagorí sáf gorá.
- hamor zagar léyóth óre bodloon jisími duré ré ejazot dibellá, ar
- hamor zagat manúic hozon hót gorí diya

Tuáñrtu yó hámahá kefáya sóulot ókkol diya foribóu tuáñr hamor zaga ókkol ót cámil asé dé:

- sábul, faní arde habosor toóila loi hát dúoni sóulot ókkol
- hátor senitaizar, zeçé yían hamgoróya ókkol ólla munaséf noó tarár hát ókkol óre dúi bellá, ar
- soñijjar hamrá ókkol ziyán sáf ar jisími duré tákar ejazot asé

Hamgoróya ókkol óre bakaida háli thaim óll do sóulot óll estemal goribélla háas gorí tarár hát ókkol óre dúi bellá.

Maalumat, threnín, hédayot arde negarani óll dibellá zimma

Tuáñrtu hámahá tuáñr hamgoróya ókkol óre maalumat diya foribóu yá threnín ziyán COVID-19 baáror hótarattu taráre héfazot gorí bélla zoruri tarár hamor tú.

Yían ót cámil tákit fare dé:

- sóiyi gorí hát ókkol dúoon or uore hédayot ókkol
- kengóri fíth goríba ar honó zoruri zati héfazotor sáman óre estemal goríba yían ór uore threnín
- hondila arde hoóñtte sáf goribár uore threnín
- ekkán héfazoti góror hamor zaga séth goróon ór uore hédayot ókkol
- hamor tú górot tákoon or uore hédayot ókkol zodi gaat gom notáke.

Sólla Mocuwara

Tuáñrtu COVID-19 loi taaluk aséde héfazoti maamela ókkol óre hamgoróya ókkol loi hámahá sólla gorá foribóu sehét arde héfazoti maamela ókkol ór baabote ar hamgoróya

ókkol óre mouka diya foribóu nozoriya arde sinta ókkol ór baabote zahér gorí bélla. Híyalat óll óre nozor rakó ar hamgoróya óll óre konsáltén notizar mocuwara do.

Hamgoróya ókkol loi mocuwara goró zehón tuñí:

- uggwá hótatarar andaza goró
- kontróul bebastár uore fáisela ókkol bano hótara ókkol óre entezam goríbélla, zendila góror entezam óll ottú sinno gorái diya óll, yá hamor zaga ókkol óre pabondi gorá jisími duré táka pakka goríbélla.
- hamor zagar sóulot óll ór baabote fáisela ókkol bano, ar
- oinno bodola ókkol ór raido ziyán é ham óll ór sehét arde héfazot oré asór gorít fare

Tuáñrtu hámaká zehonó ettefáki mocuwara karwaiyi ókkol óre mana foribóu. Zodi éçe sehét arde héfazoti nomainda ókkol táke, tuáñrtu hámahá taráre mocuwarat mazé cámil goróon saá.

Aró maalumat

COVID-19 ar hamor sehét arde héfazot or baabote aró maalumat ólla [Safe Work Australia website](#). ot zoo.